



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Bosna i Hercegovina - Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

Broj: 01/14-04-4987/23
Sarajevo, 26.06.2023. godine

PRIMLJENO:	05	VIJL 2023	
Org. jed.	broj	Prilog	Vrijednost
01-GV-09-1029		23	

Na osnovu člana 41. Statuta Grada Sarajeva („Službene novine Kantona Sarajevo”, broj 7/23), gradonačelnica Grada Sarajeva donosi:

ZAKLJUČAK

1. Utvrđuje se Informacija o realizaciji vijećničkih pitanja i inicijativa.
2. Predlaže se Gradskom vijeću Grada Sarajeva da Informaciju o realizaciji vijećničkih pitanja i inicijativa, primi k znanju.

Rukovodilac Stručne službe za poslove kabineta i poslove Gradske uprave,
po ovlaštenju gradonačelnice
Dženana Šarčević, dipl. jur.



GRADONAČELNICA
Doc. dr. Benjamina Karić





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O REALIZACIJI VIJEĆNIČKIH PITANJA I INICIJATIVA

Predlagač: Gradonačelnica
Obradivač: Stručna služba za poslove kabineta i
poslove Gradske uprave

Sarajevo, juli 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o realizaciji vijećničkih pitanja i inicijativa

I UVOD

Programom rada Gradskog vijeća Grada Sarajeva za 2023. godinu za mjesec juli, planirano je razmatranje Informacije o realizaciji vijećničkih pitanja i inicijativa.

Informacija sadrži pregled odgovora na vijećnička pitanja i realizaciju vijećničkih inicijativa.

Članom 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20 i 19/20), propisano je sljedeće:

„Član 148.

(1) Svaki gradski vijećnik, klub vijećnika ili radno tijelo Gradskog vijeća mogu postaviti vijećničko pitanje ili inicijativu određenom subjektu.

(2) Na svakoj sjednici Gradskog vijeća posljednja tačka dnevnog reda je tačka: Vijećnička pitanja i inicijative.

(3) Vijećnička pitanja i inicijative se postavljaju usmeno ili pismeno na sjednici Gradskog vijeća, a kada se to od Gradskog vijeća zatraži i to Gradsko vijeće podrži većinom glasova izabranih gradskih vijećnika, iznesena inicijativa postaje inicijativa Gradskog vijeća.

(4) Postavljena vijećnička pitanja i inicijative se formuliraju u pismenoj formi kao poseban akt Gradskog vijeća i dostavljaju nadležnom organu na razmatranje.

(5) Nadležni organ Grada Sarajeva kome se vijećničko pitanje ili inicijativa dostavi na realizaciju dužan je dostaviti odgovor na postavljeno vijećničko pitanje iz nadležnosti organa Grada Sarajeva do naredne sjednice Gradskog vijeća, odnosno o realizaciji upućene inicijative iz nadležnosti Grada Sarajeva izvijestiti Gradsko vijeće do naredne sjednice.

(6) Ukoliko pitanja odnosno inicijative nisu iz nadležnosti Grada Sarajeva, odnosno nisu upućene gradonačelniku, Služba Gradskog vijeća će ih proslijediti nadležnim organima i o tome izvijestiti Gradsko vijeće.

(7) Na svakoj sjednici Gradskog vijeća podnosi se informacija o realizaciji vijećničkih pitanja i inicijativa, u sklopu obavezne tačke dnevnog reda sjednice.“

II PITANJA, INICIJATIVE I ODGOVORI

Informacijom o realizaciji vijećničkih pitanja i inicijativa obuhvaćena je realizacija vijećničkih pitanja i inicijativa koje su dostavljene gradonačelnici, i to: Vijećnička pitanja i inicijative sa 22. sjednice Gradskog vijeća Grada Sarajeva održane 28.12.2022. godine, Vijećnička pitanja i inicijative sa 23. sjednice Gradskog vijeća Grada Sarajeva održane 25.01.2023. godine, Vijećnička pitanja i inicijative sa 24. sjednice Gradskog vijeća Grada Sarajeva održane 22.02.2023. godine, Vijećnička pitanja i inicijative sa 26. sjednice Gradskog vijeća Grada Sarajeva održane 29.03.2023. godine, i vijećnička pitanja i inicijative sa 27. sjednice Gradskog vijeća Grada Sarajeva održane 26.04.2023.

godine, kao i vijećnička pitanja i inicijative upućene na ranijim sjednicama Gradskog vijeća Grada Sarajeva, a čiji su odgovori pristigli u toku sačinjavanja informacije.

Najveće interesovanje, kao i broj upućenih pitanja i inicijativa, odnosio se prema Gradskoj službi za urbano planiranje, investicije, stambene i komunalne poslove, kao i Gradskoj službi za lokalno poslovanje. Također, određeni broj postavljenih vijećničkih pitanja i inicijativa koje su dostavljene gradonačelnici Grad Sarajeva odnosio se na druge subjekte, odnosno na tzv. „vanjske adrese“.

Odgovori na vijećnička pitanja i inicijative su dati kako slijedi:

- 1. Na 22. sjednici Gradskog vijeća Grada Sarajeva, održanoj dana 28.12.2022. godine, gradski vijećnik Adi Škaljić uputio je inicijativu sljedećeg sadržaja:**

„Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, upućujem vijećničku inicijativu za preraspodjelu novca planiranog za vatromet povodom svih narednih proslava Nove godine, tako da se isti usmjeri udruženjima koja se bave zaštitom životinja.”

Odgovor:

Grad Sarajevo ne planira organizirati vatromet u okviru narednih organizacionih aktivnosti za javni doček Nove godine.

- 2. Na 22. sjednici Gradskog vijeća Grada Sarajeva, održanoj dana 28.12.2022. godine, zamjenica predsjedavajućeg Gradskog vijeća Mirela Džehverović uputila je inicijativu sljedećeg sadržaja:**

„Potrebno je da Grad Sarajevo izdvoji finansijska sredstva za podršku regionalnog projekta pod nazivom „Zbendaj 2.0“ koji organizuju učenici Druge gimnazije Sarajevo, a u kojem učestvuju i učenici iz Banja Luke, Koprivnice, Užica i Tuzle.“

Odgovor:

Cijeneći Vašu inicijativu, želimo Vas obavijestiti da su JU Druga gimnazija 2018. godine doznačena sredstva u iznosu od 20.000,00 KM za radove na ugradnji lifta od strane Službe za urbano planiranje, investicije, stambene i komunalne poslove. Obzirom da navedeno nije radila Služba za obrazovanje, sport, kulturu i mlade, a zbog činjenice da Grad Sarajevo nije nikad zaprimio izvještaj o namjenskom utrošku gore navedenih sredstava, već je 2021. godine stigla molba za promjenu namjene sredstava, koja po našim saznanjima nije odobrena. Molbom su Grad Sarajevo obavijestili da su utrošena sredstva u iznosu od 3.500,00 KM za izradu namjenskog projekta, dok je ostatak ostao netaknut, te su tom prilikom tražili da se za preostala sredstva izvrši promjena namjene. Obzirom da Grad Sarajevo nije primio izvještaj o namjenskom utrošku dodijeljenih sredstava od JU Druga gimnazija za ugradnju lifta, a ni zahtjev za povrat dodijeljenih sredstava, Služba za obrazovanje, sport, kulutru i mlade nije u mogućnosti podržati inicijativu, a ni projekte od JU Druga gimnazija Sarajevo dok se ne riješi pitanje sredstava dodijeljenih za ugradnju lifta.

- 3. Na 22. sjednici Gradskog vijeća Grada Sarajeva, održanoj dana 28.12.2022. godine, gradski vijećnik Srđan Simonović uputio je inicijativu sljedećeg sadržaja:**

„Da stručne službe pošalju dopis Turističkoj zajednici Kantona Sarajevo da u svoju turističku ponudu obavezno stave i Bijelu tabiju.”

Odgovor:

Navedena inicijativa prosljeđena je Turističkoj zajednici Kantona Sarajevo.

4. Na 22. sjednici Gradskog vijeća Grada Sarajeva, održanoj dana 28.18.2022. godine, gradski vijećnik Srđan Simonović uputio je vijećnička pitanja sljedećeg sadržaja:

- „Koliko je uplaćeno sredstava za FK Sarajevo i FK Željezničar u periodu od 2020.-2022. godine?“
- „Kada se planira objaviti konkurs za dodjelu stipendija?“
- „Zašto Bijela tabija na Vratniku nije otvorena za posjetu?“

Odgovor:

Cijeneći Vaša pitanja, u nastavku Vam dostavljamo odgovore redoslijedom prethodno navedenih pitanja:

- Prema evidenciji Službe za obrazovanje, sport, kulturu i mlade, te informacijama iz Službe za finansije, iz Budžeta Grada Sarajeva za period od 2020. do 2022. godine, FK „Sarajevo“ je doznačeno iz Budžeta Grada Sarajeva 2020. godine 50.000,00 KM, a FK „Željezničar“ je doznačeno dva puta po 25.000,00 KM. Iz Budžeta Grada Sarajeva za 2021. godinu, FK „Sarajevo“ i FK „Željezničar“ dobili su sredstva u iznosu od po 50.000,00 KM. Iz Budžeta Grada Sarajeva za 2022. godinu, FK „Sarajevo“ su doznačena sredstva u iznosu od 50.000,00 KM i 10.000,00 KM, dok je FK „Željezničar“ doznačeno 50.000,00 KM.
- Konkurs za dodjelu stipendija je objavljen. Rok za dostavu stipendija bit će otvoren od 19. januara do 2. februara 2023. godine, do 16 sati.
- Obzirom, da Gradska služba za obrazovanje, sport, kulturu i mlade nema ingerencije u vezi Bijele tabije na Vratniku, te da istom rukovodi JP „Sarajevo“, Vaše pitanje ćemo uputiti njima, te čim budemo imali odgovor na Vaše pitanje, isti ćemo Vam dostaviti pismenim putem.

5. Na 22. sjednici Gradskog vijeća Grada Sarajeva, održanoj dana 28.12.2022. godine, gradski vijećnik Srđan Simonović uputio je inicijativu sljedećeg sadržaja:

„Da stručne službe pošalju dopis Turističkoj zajednici Kantona Sarajevo da u svoju turističku ponudu obavezno stave i Bijelu tabiju.“

Odgovor:

U prilogu odgovor Turističke zajednice Kantona Sarajevo, broj: 90-1/23 od 24.01.2023. godine.

6. Na 24. sjednici Gradskog vijeća Grada Sarajeva, gradska vijećnica Biljana Lazarević uputila je vijećničku inicijativu sljedećeg sadržaja:

„Potrebno je da Grad Sarajevo pripremi izvještaj o dodjeljenim sredstvima udruženjima od posebnog značaja za Grad Sarajevo, kao i o opravdanim sredstvima.“

Odgovor:

Cijeneći da Grad Sarajevo, pored uobičajene saradnje na osnovu već važećih odluka Gradskog vijeća i s njima u vezi propisanih procedura koje čine pravni okvir za saradnju sa OCD-udruženjima i fondacijama, ima potrebu da uspostavi i poseban vid saradnje sa onim organizacijama za koje procijeni da su od posebnog interesa za glavni grad i lokalnu zajednicu Sarajevo, Gradsko vijeće Grada Sarajeva, u redovnoj proceduri (Nacrt Odluke, Javna rasprava, Prijedlog Odluke), na devetoj

sjednici održanoj 01.12.2021. godine, donijelo je Odluku o uslovima i načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21).

Odlukom je, pored ostalog, propisano:

- *Gradonačelnik/ca Grada Sarajeva osigurava nadzor nad provođenjem finansiranja udruženja ili fondacije iz budžeta Grada Sarajeva, putem nadležnih službi. U praćenju nadzora, nadležne službe, svaka iz djelokruga svoga rada, prate realizaciju aktivnosti i daju mišljenje o izvršenom nadzoru gradonačelniku/ci. Udruženja i fondacije od posebnog interesa za Grad Sarajevo dužna su u roku do 28.02. tekuće godine gradonačelniku/ci Grada Sarajeva dostaviti Izvještaj o radu za prethodnu godinu član 10. Odluke – Nadzor).*
- *udruženja i fondacije koje su stekle status posebnog značaja za Grad Sarajevo, u ranijem periodu, zadržavaju stečeni status (član 13. Odluke – Raniji status).*

Imajući u vidu navedene odredbe, kao i da se pri potpisivanju pojedinačnih ugovora sa korisnicima budžetskih sredstava, pa tako i sa ovom posebnom kategorijom korisnika, ugovara i podnošenje izvještaja o utrošku finansijskih sredstava dodijeljenih iz budžeta Grada, te da Gradsko vijeće razmatra i usvaja godišnje izvještaje o provođenju politike/radu gradonačelnice, a time i Gradske uprave, kao i izvještaje o izvršenju budžeta, Odlukom o uslovima i načinu sticanja statusa udruženja i fondacija od posebnog značaja za Grad Sarajevo nije predviđeno dodatno izvještavanje/informisanje Gradskog vijeća, te se stoga navedena tačka niti ne programira u godišnjim programima rada Gradskog vijeća Grada Sarajeva.

Ipak, u odgovoru na ovu inicijativu, objedinjeno informišemo o statusnim aktima i drugim relevantnim činjenicama, vezano za korisnike budžetskih sredstava iz ove kategorije korisnika.

Iz djelokruga rada Gradske službe za lokalnu samoupravu:

Odluka o utvrđivanju nacionalnih kulturnih društava od posebnog značaja za Grad Sarajevo („Službene novine Kantona Sarajevo”, broj 31/20)

Nacionalna kulturna društva temeljne su institucije kulture naroda Bosne i Hercegovine – Bošnjaka, Hrvata, Srba i Jevreja, a postoje više od jednog vijeka, te su po tome među najstarijim, danas postojećim institucijama u BiH.

Sve četiri nacionalne institucije kulture, od osnivanja, pa nadalje, imaju svoja sjedišta u gradu Sarajevu i svojim radom, dugi niz godina, doprinose kulturnom identitetu Sarajeva i Bosne i Hercegovine.

U skladu s navedenom odlukom, ovim Udruženjima izdvajaju se godišnja sredstva u iznosima:

- 5.000 KM Bošnjačkoj zajednici kulture „Preporod“, za podršku programskim aktivnostima,
- 5.000 KM Hrvatskom kulturnom društvu „Napredak“, za podršku programskim aktivnostima,
- 5.000 KM Srpskom prosvjetnom i kulturnom društvu „Prosvjeta”, za podršku programskim aktivnostima,
- 5.000 KM Jevrejskom kulturno-prosvjetnom i humanitarnom društvu „La benevolencija“, za podršku programskim aktivnostima.

Odluka o utvrđivanju posebnog značaja za Grad Sarajevo za udruženje „Asocijacija nezavisnih intelektualaca – KRUG 99” („Službene novine Kantona Sarajevo”, broj 49/20)

Udruženje „Asocijacija nezavisnih intelektualaca – Krug 99“ još od 1993. godine u kontinuitetu ostvaruje svoju zacrtanu ulogu autentičnog aktera civilnog društva koje je u našoj javnosti prepoznatljivo već punih 27 godina. Krug 99 je početkom 1994. godine, u opsjednutom Sarajevu, inicirao i formulisao tekst Deklaracije o slobodnom i jedinstvenom Sarajevu, politički dokument koji je potpisalo 185 hiljada građana opkoljenog Sarajeva i gotovo milion građana sa svih kontinenata,

odnosno u 56 zemalja svijeta. U Asocijaciji danas djeluje više od 150 eminentnih ličnosti naučnog, kulturnog, umjetničkog i javnog života, među kojima ima članova Akademije nauka BiH, pisaca, novinara, slikara, filmskih reditelja, ljekara, ekonomista, pravnika, pozorišnih umjetnika, teologa, muzičara, humanista i drugih ličnosti. Također, među članovima su i intelektualci drugih država, koji djeluju kao istaknuti članovi, a žive u Rimu, Parizu, Beču, Londonu, Briselu, Sofiji, New Yorku, Helsinkiju, Ljubljani, Beogradu, Rovinju, Zagrebu i drugim gradovima Evrope i bivše Jugoslavije. Krug 99 je za svoje djelovanje primio više međunarodnih nagrada i priznanja, među kojima se posebno ističu: Nagrada FONDACIJE OLOF PALME (Stockholm), Nagrada FONDACIJE KRALJA BOUDOUINA (Brisel) i Nagrada FONDACIJE ALBERTO MORAVIA (Rim).

U skladu sa ovom odlukom Udruženju se izdvajaju godišnja sredstva u iznosu od:

- 10.000 KM Udruženju „Asocijacija nezavisnih intelektualaca – Krug 99“, za redovan rad Asocijacije.

Odluka o utvrđivanju posebnog značaja za Grad Sarajevo za udruženja Vijeće Kongresa bošnjačkih intelektualaca, Srpsko građansko vijeće – Pokret za ravnopravnost u Bosni i Hercegovini i Hrvatsko narodno Vijeće u Bosni i Hercegovini („Službene novine Kantona Sarajevo”, broj 2/21)

Vijeće Kongresa bošnjačkih intelektualaca, Srpsko građansko vijeće – Pokret za ravnopravnost u Bosni i Hercegovini i Hrvatsko narodno Vijeće u Bosni i Hercegovini su udruženja koja u svojim ciljevima djelovanja imaju ugrađene tradicionalne vrijednosti suživota u gradu Sarajevu, kao što su tolerancija, zajedništvo, multikulturalnost, multinacionalnost, uvažavanje i poštivanje sloboda i prava drugih i drugačijih i koja se zalažu za jednakopravnost svih konstitutivnih naroda na čitavoj teritoriji Bosne i Hercegovine.

Kao takva, navedena Udruženja svojim kontinuiranim radom doprinose očuvanju i jačanju Sarajeva kao sredine u kojoj vlada međunacionalno povjerenje, usmjereno ka očuvanju i razvoju Sarajeva, kao dosadašnjeg i budućeg središta, nacionalnog, kulturnog, ekonomskog, političkog i vjerskog života svih naroda u BiH.

U skladu s Odlukom, ovim Udruženjima izdvajaju se godišnja sredstva u iznosima:

- 10.000 KM Udruženju Vijeće Kongresa bošnjačkih intelektualaca za programske i redovne aktivnosti,
- 5.000 KM Srpskom građanskom vijeću – Pokret za ravnopravnost u BiH, za programske i redovne aktivnosti,
- 5.000 KM Udruženju „Hrvatsko narodno vijeće u Bosni i Hercegovini“, za programske i redovne aktivnosti,

Odluka o utvrđivanju posebnog značaja za Grad Sarajevo udruženja „Obrazovanje gradi Bosnu i Hercegovinu” („Službene novine Kantona Sarajevo”, broj 24/21)

Udruženje „Obrazovanje gradi Bosnu i Hercegovinu“ egzistira od 1994. godine, moralno i materijalno pomaže različite grupe: djecu i mlade iz porodica žrtava rata u BiH, djecu i mlade sa invaliditetom, talentovanu i djecu i mlade iz romske nacionalne manjine, kao i one iz socijalno ugroženih porodica, u sticanju formalnog i neformalnog obrazovanja i psihosocijalne zaštite.

Iz ukupnog djelovanja Udruženja „Obrazovanje gradi BiH“, u 27 godina, najmanje 60% aktivnosti realizovano je na području grada Sarajeva, i to:

- 7.623 godišnje stipendije, uključujući 830 stipendija za učenike i studente romske nacionalne manjine,
- 4.463 korisnika u turističko-edukacijskim projektima boravilo je u 18 evropskih država, Kanadi, Urugvaju, te na Boračkom jezeru u BiH;
- 46.043 korisnika primilo je odjeću, obuću, školski pribor, opremu, poklon pakete i hranu... itd.

Ovo Udruženje, koje je vodio general Armije RBiH, Jovan Divjak, dobitnik je priznanja „Šestoaprilska nagrada Grada Sarajeva“ za 2016. godinu, za značajna ostvarenja i izuzetne uspjehe u radu, postignute u određenim oblastima društvenog života.

U skladu sa ovom odlukom, Udruženju se izdvajaju godišnja sredstva u iznosu od: 10.000 KM Udruženju „Obrazovanje građi BiH”, za programske aktivnosti, a navedena sredstva će se planirati počev od Budžeta za 2022. godinu.

Odluka o utvrđivanju posebnog značaja za Grad Sarajevo za Udruženje „Savez antifašista i boraca narodnooslobodilačkog rata u Kantonu Sarajevo” („Službene novine Kantona Sarajevo”, broj 10/22)

Udruženje „SABNOR u KS“ dugi niz godina djeluje u Gradu Sarajevu, a aktivnosti ovog udruženja usmjerene ka očuvanje antifašističkog naslijeđa, pozitivnih vrijednosti zajedničkog života i sklada svih građana Sarajeva i BiH. Udruženje „SABNOR u KS“ učestvuje u projektnom modulu EU „Kultura sjećanja“, u sklopu kojeg se organizuje međunarodni skup antifašista „Igmanski marš“, a posebnu pažnju poklanja edukaciji mladih o antifašizmu, kao univerzalnoj vrijednosti.

U skladu sa ovom odlukom, Udruženju se izdvajaju godišnja sredstva u iznosu od:

- 5.000 KM Udruženju „Savez udruženja antifašista i boraca narodnooslobodilačkog rata u Kantonu Sarajevo”, za programske aktivnosti.

Kako je Odluka donesena u 2022. godini, navedena sredstva će se planirati počev od Budžeta za 2023. godinu.

Odluka o utvrđivanju posebnog značaja za Grad Sarajevo za Udruženje slijepih Kantona Sarajevo („Službene novine Kantona Sarajevo”, broj 20/22)

Udruženje slijepih Kantona Sarajevo postoji od 1948. godine te je tokom svog djelovanja postizalo značajne rezultate u afirmaciji slijepih osoba i njihovom uključivanju u društvene tokove, kao i činjenicu da je ovo udruženje dobitnik Šestoaprilske nagrade Grada Sarajeva, a naročito vodeći računa da Udruženje izdaje časopis „Zvučne novine“ koje u zvučnom formatu izlaze 12 puta godišnje i distribuiraju se mnoge zemlje svijeta, a u svojoj najavi na jasan način promovišu Grad Sarajevo koji dugi niz godina sufinansira navedeni projekat.

Pored budžetske pozicije planirane za projekat „Zvučne novine“ (10.000 KM posljednjih godina), u skladu sa ovom odlukom Udruženju se izdvajaju godišnja sredstva u iznosu od:

- 3.000 KM, za programske aktivnosti.

Kako je Odluka donesena u 2022. godini, navedena sredstva će se planirati počev od Budžeta za 2023. godinu.

VISINA DODJELJENIH SREDSTAVA I PRAVDANJE

Budžetima Grada Sarajeva planirana su sredstva na osnovu navedenih donesenih odluka, a iz djelokruga rada Gradske službe za lokalnu samoupravu, kako slijedi:

Naziv udruženja/fondacije	Budžet GS 2020	Budžet GS 2021	Budžet GS 2022
Bošnjačka zajednica kulture „Preporod“	Doznačeno Opravdano	Doznačeno Opravdano	Doznačeno Opravdano
Hrvatsko kulturno društvo „Napredak“	Doznačeno Opravdano	Doznačeno Opravdano	Doznačeno Opravdano
Srpsko prosvjetno i kulturno društvo „Prosvjeta“	Doznačeno Opravdano	Doznačeno Opravdano	Doznačeno Opravdano

Jevrejsko kulturno-prosvjetno i humanitarno društvo „La benevolencija“	Doznačeno Opravdano	Doznačeno Opravdano	Doznačeno Opravdano
Asocijacija nezavisnih intelektualaca – KRUG 99		Doznačeno Opravdano	Doznačeno Opravdano
Vijeće Kongresa bošnjačkih intelektualaca		Doznačeno Opravdano	Doznačeno Opravdano
Hrvatsko narodno vijeće u BiH		Doznačeno Opravdano	Doznačeno Opravdano
Srpsko građansko vijeće – Pokret za ravnopravnost u BiH		Doznačeno Opravdano	Doznačeno Opravdano
Obrazovanje gradi Bosnu i Hercegovinu – Jovan Divjak			Doznačeno Opravdano
Savez antifašista i boraca narodnooslobodilačkog rata u Kantonu Sarajevo			
Udruženje slijepih Kantona Sarajevo			

Iz djelokruga rada Gradske službe za lokalno poslovanje:

Odluka o sticanju statusa udruženja od posebnog značaja za Grad Sarajevo za SOS – KINDERDORF INTERNATIONAL („Službene novine Kantona Sarajevo”, broj 31/22)

Shodno navedenoj Odluci, predviđa se iznosu od 32.000,00 KM uz mogućnost korekcije navedenog iznosa u narednim budžetskim godinama, a sve u skladu s rastom troškova života i objektivnim mogućnostima budžeta Grada Sarajeva. Početak realizacije namjenskih sredstva počinje planiranjem Budžeta Grada Sarajeva za 2023. godinu, i to za finansiranje jedne porodične kuće u SOS Dječjem selu Sarajevo, odnosno troškova života jedne porodice.

Iz djelokruga rada drugih službi:

Odluku o utvrđivanju posebnog značaja za Grad Sarajevo za Fondaciju Mreže („Službene novine Kantona Sarajevo”, broj 16/22)

Fondacija Mreže, organizator je „Sarajevo Unlimited” regionalnog foruma inovacija, poduzetništva i tehnologije, čime promoviše, osnažuje i inspiriše poduzetnički duh u Gradu Sarajevu, te doprinosi afirmaciji Grada Sarajeva na regionalnoj i međunarodnoj sceni u pomenutim oblastima. Forum je značajan i zbog toga što djeluje kao platforma za saradnju, razmjenu iskustava i dobrih praksi, inovatora, studenata, srednjoškolaca, kompanija, poduzetnika, institucija, malih i srednjih preduzeća, kreativnih industrija i start-up-a.

U skladu sa ovom odlukom Fondaciji se izdvajaju godišnja sredstva u iznosu od:

- 5.000 KM, za programske aktivnosti foruma „Sarajevo Unlimited”.

Odluka o utvrđivanju posebnog značaja za „Udruženje za zaštitu kulturne baštine Isa-beg Ishaković“ („Službene novine Kantona Sarajevo”, broj 10/22)

U skladu sa ovom odlukom Udruženju se izdvajaju godišnja sredstva u iznosu od:

- 5.000 KM, za programske aktivnosti.

7. Na 24. sjednici Gradskog vijeća Grada Sarajeva, održanoj dana 22.02.2023. godine, gradska vijećnica Biljana Lazarević uputila je inicijativu sljedećeg sadržaja:

„Potrebno je da Grad Sarajevo uputi svim gradskim općinama da što prije dostave svoja mišljenja o elaboratima za postavljanje kioska, otvorenih bašti i reklamnih panoa.“

Odgovor:

a) Elaborat „Lokacije za postavljanje kioska”

Saglasnost na Elaborat dalo je Općinsko vijeće Stari Grad Sarajevo dana 29.11.2022. godine i Općinsko vijeće Novo Sarajevo dana 18.10.2022. godine.

Općinsko vijeće Centar Sarajevo, na sjednici održanoj dana 27.10.2022. godine, nije dalo saglasnost na Elaborat.

Općina Novi Grad Sarajevo do danas nije dostavila informaciju da li je Elaborat dostavljen na razmatranje i davanje saglasnosti od strane općinskog vijeća.

b) Elaborat „Lokacije za slobodnostojeće otvorene bašče”

Saglasnost na elaborat dalo je Općinsko vijeće Stari Grad Sarajevo dana 29.11.2022. godine.

Općinsko vijeće Centar Sarajevo, na sjednici održanoj dana 27.10.2022. godine, nije dalo saglasnost na Elaborat, kao ni Općinsko vijeće Općine Novo Sarajevo na sjednici održanoj dana 18.10.2022. godine.

Općina Novi Grad Sarajevo do danas nije dostavila informaciju da li je Elaborat dostavljen na razmatranje i davanje saglasnosti od strane općinskog vijeća.

c) Elaborat Lokacije za postavljanje slobodnostojećih reklamnih panoa i slobodnostojećih displeja

Koncept Elaborata je u augustu 2022. godine dostavljen od strane Zavoda za planiranje razvoja Kantona Sarajevo Gradu Sarajevu i gradskim općinama u cilju davanja primjedbi i sugestija na isti.

Do danas su primjedbe na Elaborat dostavljene Zavodu za planiranje razvoja Kantona Sarajevo od strane Općine Stari Grad Sarajevo u decembru 2022. godine, od strane Općine Novo Sarajevo u oktobru 2022. godine i od strane Grada Sarajeva u augustu 2022. godine.

Općina Novi Grad Sarajevo i Općina Centar nisu dostavili primjedbe i sugestije na Elaborat.

Grad Sarajevo će ponovo uputiti urgencije prema općinama i Zavodu, a u narednom periodu održati radni sastanak u cilju konačnog usvajanja navedenih Elaborata.

8. Na 24. sjednici Gradskog vijeća Grada Sarajeva, održanoj dana 22.02.2023. godine, gradski vijećnik Jasmin Skorupan uputio je inicijativu sljedećeg sadržaja:

„Potrebno je da Grad Sarajevo, u saradnji s nadležnim organima Kantona Sarajevo i gradskih općina, te zainteresiranih građana, pokrene akciju uklanjanja satelitskih antena sa stambenih i drugih zgrada na području grada Sarajeva.“

U obrazloženju inicijative navedeno je da veliki broj satelitskih antena koje se više ne koriste, te vizuelno opterećuju fasade i krovišta, predstavljaju opasnost u slučaju odvajanja i pada zbog neodržavanja i dotrajalosti.

Odgovor:

Inicijativa je, dana 06.04.2023. godine, upućena Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajeva – Sektoru za upravljanje, realizaciju projekata i nadzor u stambenoj oblasti, sa molbom da se ista proslijedi svim upraviteljima kako bi sa etažnim vlasnicima stambenih i drugih zgrada razmotrili mogućnost uklanjanja antena koje nisu u upotrebi i predstavljaju eventualnu opasnost u slučaju odvajanja i pada zbog neodržavanja i dotrajalosti.

9. Na 26. sjednici Gradskog vijeća Grada Sarajeva, održanoj dana 29.03.2023. godine, gradski vijećnik Adi Škaljić uputio je inicijativu sljedećeg sadržaja:

„Upućujem vijećničku inicijativu za pokretanje konzervacije/restauracije spomenika Radojki Lakić – 'Ženi Borcu' koji se nalazi unutar Memorijalnog kompleksa Vraca.“

Odgovor:

S tim u vezi, obavještavamo Vas da je nadležna služba već prethodno zaprimila navedenu inicijativu te da će razmotri mogućnosti učestvovanja Grada Sarajeva u restauraciji obzirom na visok iznos potrebnih sredstava za realizaciju navedenog projekta.

10. Na 26. Sjednici Gradskog vijeća Grada Sarajeva, održanoj dana 29.03.2023. godine, gradski vijećnik Jasmin Skorupan uputio je inicijativu sljedećeg sadržaja:

„Upućujem inicijativu da Grad Sarajevo, u saradnji sa Kantonom Sarajevo, poduzme potrebne mjere i aktivnosti da se izgradi zvučna barijera sa kamenom vunom duž južne longitudinalne ceste i prve transverzale u Sarajevskom naselju Šip. Ovo je važna inicijativa koja bi imala pozitivan utjecaj na kvalitet života stanovnika ovog naselja.

Buka sa brze ceste koja će da prolazi kroz ovo naselje može biti vrlo neugodna i štetna za zdravlje stanovnika. Zvučna barijera je jedan od načina da se smanji buka koja će dolaziti sa ceste i da se zaštiti okolni prostor. Zvučna barijera sa kamenom vunom je efikasna, jer kamen vuna ima izvrsna svojstva zvučne izolacije i apsorpcije.

Primjeri drugih gradova širom svijeta pokazuju da je izgradnja zvučnih barijera od velike koristi. Zvučne barijere se obično grade duž brzih cesta, auto-cesta i drugih prometnih putova, kako bi se smanjila buka i zaštitilo okolno područje od zagađenja. Zvučne barijere smanjuju buku na izvoru i sprječavaju da se širi u okolno područje. Buka je, također, opasna za zdravlje. Prekomjerna buka može uzrokovati stres, tjeskobu, poremećaje spavanja, gubitak sluha i druge zdravstvene probleme. U večernjim satima, kada ljudi pokušavaju spavati, buka sa ceste može smetati i ometati normalan san. Izgradnja zvučne barijere bila bi od velike koristi za stanovnike Sarajevskog naselja Šip i pomoći će u poboljšanju kvalitete života.

U Evropi postoje određene direktive i norme koje regulišu izloženost buci i zahtijevaju zaštitu od buke u različitim okruženjima. Na primjer, Direktiva o okolišnoj buci 2002/49/EZ propisuje mjere za smanjenje izloženosti buci u gradu i utvrđuje različite razine buke koje se smatraju štetnima za zdravlje. Prema tim direktivama, razina buke izvan stambenih zgrada ne bi smjela prelaziti 55 decibela (dB) danju i 45 dB noću, dok bi unutar stambenih zgrada razina buke trebala biti niža i ne prelaziti 30 dB noću.

Stoga, kada se radi o postavljanju zvučnih barijera, važno je uzeti u obzir te direktive i norme kako bi se osiguralo da stanovnici budu zaštićeni od štetne buke u skladu s evropskim standardima“.

Odgovor:

Inicijativa je prosljeđena Ministarstvu saobraćaja Kantona Sarajevo te po zaprimanju odgovora isti će Vam biti dostavljan.

11. Na 26. sjednici Gradskog vijeća Grada Sarajeva, održanoj dana 29.03.2023. godine, zamjenica predsjedavajućeg Gradskog vijeća Mirela Džehverović uputila je inicijativu sljedećeg sadržaja:

„Potrebno je da Grad Sarajevo razmotri mogućnost finansijske podrške projektu rekonstrukcije i revitalizacije Arboretuma „Slatina“ koji je pokrenuo Šumarski fakultet, a koji se nalazi na području Kromolja, općina Centar, površine 17,9ha (179.000m²)“.

Odgovor:

Ovim putem Vas informišemo da u Budžetu Grada Sarajeva za 2023. godinu nisu planirana sredstva za podršku projektu rekonstrukcije i revitalizacije Arboretuma „Slatina“, odnosno da trenutno ne postoji mogućnost da Grad Sarajevo finansijski podrži ovaj projekat.

12. Na 26. sjednici Gradskog vijeća Grada Sarajeva, Gradsko vijeće je podržalo inicijativu Odbora za lokalni biznis i turizam te je podnesena inicijativa postala inicijativom Gradskog vijeća sljedećeg sadržaja:

„Odbor upućuje inicijativu da Grad Sarajevo razmotri mogućnost da se obnove 'Sarajevske ruže', jer su u lošem stanju, a na određenim mjestima su uklonjene pri rekonstrukciji gradskog partera. Također, potrebno je da se osmisli projekat kojim će se omogućiti da se putem QR koda, koji bi bio postavljan uz svaku 'Sarajevsku ružu', pristupi podacima o činjenicama vezanim za nastajanje te ruže koji će sadržavati i registar 'Sarajevskih ruža' u GIS-u.“

Odgovor:

S tim u vezi, obavještavamo Vas da je nadležna služba već pokrenula određene aktivnosti sa Zavodom za kulturno-historijsko i prirodno naslijeđe koji vodi evidenciju svih obilježenih mjesta „Sarajevski ruža“ i koji je nadležan za ovo pitanje. Obzirom da za ovu godinu nisu planirana sredstva za obnovu „Sarajevskih ruža“, nadležna služba će uzeti ovu inicijativu u obzir pri planiranju potrebnih sredstava za narednu godinu.

13. Na 26. sjednici Gradskog vijeća Grada Sarajeva, održanoj dana 29.03.2023. godine, gradski vijećnik Toni Vukadin uputio je vijećničko pitanje sljedećeg sadržaja:

„Koji je status projekta vodovodne mreže u SOS Dječijem selu na Mojmilu, a koji sufinansira Grada Sarajevo?“

Odgovor:

Budući da je u Budžetu Grada Sarajeva izdvojeno 30.000,00 KM za ovaj projekat, a poznato je da projekat nije realizovan, potrebno je da Grad Sarajevo inicira aktivnosti kako bi se projekat što prije realizovao i smanjili troškovi koji nastaju zbog velikog gubitka vode, a koje plaća SOS Dječije selo.

Upit je prosljeđen Općini Novi Grad Sarajevo, kao implementatorima projekta prema potpisanom Ugovoru o sanaciji i rekonstrukciji vodovodne mreže objekta u SOS Dječijem selu Sarajevo, te po zaprimanju odgovora, isti će Vam biti dostavljen.

14. Na 26. sjednici Gradskog vijeća Grada Sarajeva, održanoj dana 29.03.2023 godine, gradska vijećnica Biljana Lazarević uputila je vijećničku inicijativu sljedećeg sadržaja:

„U izvještaju o ostvarivanju politike Grada Sarajeva i aktivnostima gradonačelnice Grada Sarajeva za period 01.01.-31.12.2022 godine je, između ostalo, navedeno da je Gradska služba za internu reviziju, u izvještajnom periodu, uradila osam internih revizija. S tim u vezi, potrebno je dostaviti izvještaje interne revizije za „Strateško planiranje i budžetiranje“ i interne revizije „Javne nabavke“.

Odgovor:

U vezi sa Vašom inicijativom za dostavom revizorskih izvještaja gradske službe za internu reviziju upoznajem Vas sa sljedećim:

Zakonom o internoj reviziji u javnom sektoru u Federaciji Bosne i Hercegovine („Službene novine FBiH“, br. 47/08 i 101/16) te Metodologijom rada interne revizije u javnom sektoru u FBiH („Službene novine FBiH“, br. 13/12, 93/13, 93/15 i 20/23), a koja je propisana Zakonom o internoj reviziji u javnom sektoru u FBiH, propisan je način distribucije revizorskih izvještaja interne revizije.

Članom 14. Zakona o internoj reviziji u javnom sektoru u FBiH te Metodologijom rada interne revizije u javnom sektoru u FBiH u dijelu 6 i 7.3.3. propisano je da se konačni revizorski izvještaji dostavljaju rukovodiocu organizacije te rukovodiocu organizacione jedinice koja je bila predmet revizije

Izvještavanje ostalih zainteresiranih strana je definirano članovima 17. i 18. Zakona o internoj reviziji u javnom sektoru u FBiH koji predviđaju dostavljanje izvještaja o naknadnom pregledu provedbe preporuka te godišnjeg izvještaja o radu interne revizije organima sudske, zakonodavne i izvršne vlasti te Uredu za reviziju institucija u FBiH na njihov zahtjev.

Uzimajući u obzir sve navedeno, obavještavamo Vas da dostava traženih revizorskih izvještaja nije moguća, a iz objektivnih razloga koji proističu iz zakonskih ograničenja.

15. Na 26. sjednici Gradskog vijeća Grada Sarajeva, održanoj dana 29.03.2023. godine, gradski vijećnik Jasmin Skorupan uputio je inicijativu da Grad Sarajevo, u saradnji sa Kantonom Sarajevo, poduzme potrebne mjere i aktivnosti da se izgradi zvučna barijera sa kamenom vunom duž južne longitudinalne ceste i prve transverzale u sarajevskom naselju Šip.

Odgovor:

U vezi sa prethodno navedenim, u prilogu Vam dostavljamo odgovor Direkcije za puteve Kantona Sarajevo na predmetnu inicijativu.

16. Na 26. sjednici Gradskog vijeća Grada Sarajeva, održanoj dana 29.03.2023. godine, u povodu razmatranja Vijećničkih pitanja i inicijativa, Gradsko vijeće Grada Sarajeva usvojilo je sljedeći zaključak:

Zadužuje se gradonačelnica da pripremi, izradi i predloži Plan aktivnosti za donošenje gradskih propisa do kraja mandatnog perioda na koji je izabran trenutni saziv Gradskog vijeća, a koji će sadržavati eventualno preispitivanje važećih propisa Grada Sarajeva, odnosno donošenje novih u okviru vlastite nadležnosti Grada Sarajeva i prenesenih nadležnosti, a imajući u vidu i nadležnosti iz Statuta Grada Sarajeva („Službene novine Kantona Sarajevo“, broj 7/23).

Odgovor:

U skladu sa Odlukom o organizaciji i djelokrugu rada organa uprave Grada Sarajeva („Službene novine Kantona Sarajevo“, br. 24/21, 16/22 i 42/22) i trenutno važećim Pravilnikom o unutrašnjoj organizaciji i sistematizaciji radnih mjesta organa uprave Grada Sarajeva i Pravilnikom o unutrašnjoj organizaciji i sistematizaciji radnih mjesta stručnih službi gradonačelnice Grada Sarajeva, utvrđen je djelokrug rada svih gradskih službi za upravu i stručnih službi gradonačelnice Grada Sarajeva.

Gradske službe za upravu i stručne službe gradonačelnice Grada Sarajeva u svom radu primjenjuju državne, federalne i kantonalne propise, Odluke Gradskog vijeća Grada Sarajeva i interne propise kojima se pobliže uređuje provođenje propisa više pravne snage, a koje donosi gradonačelnica Grada Sarajeva.

Plan aktivnost na donošenju gradskih propisa utvrđuje se svake godine u skladu sa Planom rada Grada Sarajeva i Programom rada Gradskog vijeća Grada Sarajeva za tekuću godinu.

Preispitivanje važećih propisa Grada Sarajeva vršit će se u skladu sa ukazanim potrebama za istim.

17. Na 27. sjednici Gradskog vijeća Grada Sarajeva, održanoj dana 26.04.2023. godine, gradski vijećnik Adi Škaljić, uputio je inicijativu, broj: 01-GV-02-654/23 od 24.04.2023. godine, kojim se traži 10.000,00 KM za finansiranje obnove prostorije KJU Gerontološki centar Sarajevo za potrebe izgradnje čitaonice. Čitaonicu će koristiti korisnici usluga Gerontološkog centra.

Odgovor:

U Budžetu Grada Sarajeva za 2023. godinu nisu planirana sredstva za ovu namjenu.

18. Na 27. sjednici Gradskog vijeća Grada Sarajeva, održanoj dana 26.04.2023. godine, gradski vijećnik Adi Škaljić uputio je vijećničku inicijativu sljedećeg sadržaja:

„Na osnovu člana 19. Poslovnika Gradskog vijeća Grada Sarajeva, koji potpisuje pravo vijećnika da podnosi inicijative, upućujem vijećničku inicijativu za razmatranje pretvaranja jednog od prolaza kroz zgradu „Loris“ u spomen-obilježje (mini muzej) ratnoj historiji ove zgrade.“

Nakon projekcije dokumentarnog filma „Simbol otpora – zgrada Loris“, stanari ove legendarne zgrade došli su na ideju da se jedan od prolaza uredi i posveti ratnoj historiji ove zgrade, ljudima koji su je branili i onima koji su u najtežem periodu u njoj živjeli.

Smatram da bi Grad Sarajevo trebao biti pokretač aktivnosti, a u realizaciju se može uključiti JU Muzej Grada Sarajeva.

Odgovor:

Grad Sarajevo će razmotriti mogućnost realizacije ove inicijative te će nadležnim institucijama uputiti akt kojim će tražiti saglasnosti, kao i saradnju u projektu.

19. Gradsko vijeće Grada Sarajeva, na 27. sjednici održanoj dana 26.04.2023. godine, usvojilo je inicijativu zamjenika predsjedavajućeg Gradskog Vijeća Dragana Stevanovića kao inicijativu Gradskog vijeća, a koja glasi:

„Upućujem inicijativu gradonačelnici da poduzme potrebne aktivnosti da Grad Sarajevo na zgradi glavne pošte u Sarajevu, ulica Obala Kulina bana, postavi spomen-ploču u čast narodnog heroja Fuada Midžića sa dvojezičnim tekstom (bosanski i engleski jezik).“

Odgovor:

Nadležna služba Grada Sarajeva će predmetnu inicijativu uputiti nadležnoj Komisiji za spomenike Grada Sarajeva na daljnje odlučivanje te provesti sve eventualne daljnje aktivnosti na podizanju ove spomen ploče.

20. Na 27. sjednici Gradskog vijeća Grada Sarajeva, održanoj dana 26.04.2023. godine, gradski vjećnik Muamer Mekić uputio je inicijativu sljedećeg sadržaja:

„Da Grad Sarajevo u skladu sa svojim finansijskim mogućnostima pomogne odlazak naše Futsal Reprezentacije gluhoonijemih i nagluhiih lica na Svjetsko prvenstvo u Brazilu u novembru ove godine.“

Obrazloženje:

„Naša futsal reprezentacija gluhoonijemih i nagluhiih lica plasirala se na Svjetsko prvenstvo u Futsalu koje se ove godine održava u Brazilu u novembru 2023. godine. S obzirom na troškove učešća, a i obaveze senzibiliteta kada je ova populacija u pitanju, molim Gradsko vijeće da se očituje o ovoj inicijativi, odnosno istu podrži i sa svojim finansijskim mogućnostima kao Grad Sarajevo pomognemo odlazak naših fudbalera. U proteklom periodu Grad Sarajevo je finansijski pomogao kako odlazak naše ženske Košarkaške reprezentacije na Svjetsko prvenstvo, kao i potpomogao vrhunski sport i rezultate Lane Pudar, ne vidim prepreke i razlog da na simboličan način i u skladu sa mogućnostima pomognemo i našoj Reprezentaciji gluhoonijemih i nagluhiih lica da učestvuju na najvećoj svjetskoj smotri na koju su se plasirali.“

Odgovor:

Budžetom Grada Sarajeva za 2023. godinu planirana je pozicija namijenjena za podršku sportskim udruženjima/klubovima u visini od 120.000 KM koja će se realizirati putem javnog poziva. Sportski savez gluhoonijemih i nagluhiih osoba treba da aplicira na javni poziv te uz ispunjavanje kriterija može ravnopravno očekivati podršku sa drugim sportskim udruženjima/klubovima.

21. Na 27. sjednici Gradskog vijeća Grada Sarajeva, održanoj dana 26.04.2023. godine, gradski vijećnik Samir Bejić uputio je inicijativu, broj: 01-GV-02-664-2/23 od 26.04.2023. godine, kojom se traži 10.000,00 KM za finansiranje projekta Udruženja „Majka i dijete – BOMBON” – priručnika „Prvi dani sa bebom”. Priručnik će koristiti budući mladi roditelji.

Odgovor:

Izmjenama i dopunama Budžeta Grada Sarajeva za 2022. godinu („Službene novine Kantona Sarajevo“, broj 49/22), Grad Sarajevo je doznačio sredstva Udruženju „Majka i dijete – BOMBON, u iznosu od 5.000,00 KM u svrhu edukacije za buduće mlade roditelje, finansiranje stručnih osoba/predavača, te izdavanje publikacije „Prvi dani s bebom kući” – priručnika za buduće roditelje.

Dana 17.03.2023. godine održan je događaj na kojem je predstavljen istoimeni priručnik. Navedenom događaju prisustvovala je i predstavnica Grada Sarajeva.

22. Na 27. sjednici Gradskog vijeća Grada Sarajeva, održanoj dana 26.04.2023. godine, gradski vijećnik Samir Bejić uputio je inicijativu sljedećeg sadržaja:

„Da Grad Sarajevo Udruženju za sportsku i ekološko-historijsku edukaciju mladih „Healthy Future“, u čijem je sastavu i Škola fudbala Kick Off, koje je osnovano 19.12.2022. godine sa sjedištem na Kantonu Sarajevo, pomogne sa 5 hiljada KM. Ranije je od aprila 2020. godine Udruženje funkcionisalo pod samim nazivom Kick Off, ali je ponovnim obnavljanjem i potrebom za proširenje djelatnosti formirano udruženje Healthy Future, u čijem sastavu i danas djeluje sa radom Škola fudbala Kick Off koja danas broji oko 100 dječaka i djevojčica u generacijama od 2011. do 2018. godišta. Udruženje je ove godine dobilo poziv da u generaciji 2014./2015. godišta učestvuje na Međunarodnom memorijalnom turniru „Dragan Mance Cup“, a koje će se održati u periodu od 16 do 18.06.2023. godine u Beogradu. To bi predstavljalo veliku čast za dječake i djevojčice iz naše škole fudbala da učestvuju na tom međunarodnom turniru na kojem su svoje učešće potvrdili veliki klubovi kao što su Benfica (Portugal), Paok (Grčka), Modena (Italija), Ujpešt (Mađarska), Crvena Zvezda, Partizan, Vojvodina (Srbija), kao i mnogi dugi klubovi iz zemalja regiona i šire.

Udruženje za sportsku i ekološko historijsku edukaciju mladih Healthy Future bavi se promocijom države Bosne i Hercegovine kroz ekološke radionice, kao i očuvanje kulture sjećanja na historijski put koji je naša država prošla.

Predsjednik udruženja je Mustafa Hodžić, maloljetni borac Armije BiH, ratni vojni invalid koji je do sada 96 puta nesebično darivao krv i krvne derivat na transfuziologiji u Sarajevu. Do kraja godine očekujemo rekordni stoti put i u vezi s tim smatram da Mustafa Hodžić zaslužuje podršku Grada Sarajevo“

Odgovor:

Budžetom Grada Sarajeva za 2023. godinu planirana je pozicija namijenjena za podršku sportskim udruženjima/klubovima u visini 120.000 KM koja će se realizirati putem javnog poziva. Udruženje za sportsku i ekološko historijsku edukaciju mladih Healthy Future treba da aplicira na javni poziv te uz ispunjavanje kriterija može ravnopravno očekivati podršku sa drugim klubovima.

- 23. Na 27. sjednici Gradskog vijeća Grada Sarajeva, održanoj dana 26.04.2023. godine, gradski vijećnik Vedad Deljković uputio je inicijativu broj: 01-GV-02-615/23 od 17.04.2023. godine. Inicijativom se traži 3.864,80 KM za nabavku kuhinjskih aparata za objekat u selu Ledeći. Objekat će koristiti štićenici Kantonalne javne ustanove „Dom za djecu bez roditeljskog staranja” (Dom Bjelave).**

Gradsko vijeće Grada Sarajeva podržalo je ovu inicijativu te je ona postala inicijativom Gradskog vijeća.

Odgovor:

Dana 10.04.2023. godine gradonačelnica Sarajeva Benjamina Karić održala je sastanak sa mladim poduzetnicima Tarikom i Mirnesom Fatićem koji se bave prodajom bijele tehnike u Hadžićima. Izrazili su spremnost da daruju dio svog prodajnog asortimana. Gradonačelnica je predložila da se opremi vikend kuća koju će koristiti djeca bez roditeljskog staranja iz Doma Bjelave. Deset dana kasnije darovnica je realizirana u cijelosti. Na taj način je realizirana i ova inicijativa.

Pregled odgovora na vijećnička pitanja i inicijative koje su upućene na ranijim sjednicama Gradskog vijeća Grada Sarajeva, a čiji su odgovori pristigli u toku sačinjavanja informacije, kako slijedi:

- 1. Na 11. sjednici Gradskog vijeća Grada Sarajeva, održanoj dana 15.03.2022. godine, Komisija za pitanja mladih zatražila je informaciju sljedećeg sadržaja:**

„Komisija za pitanja mladih traži informaciju o realizaciji inicijative Komisije za međunarodnu saradnju, a u vezi osnivanja Ureda za dijasporu i Akademije za diplomatiju.“

Odgovor:

Kada je u pitanju formiranje Ureda za dijasporu, Kanton Sarajevo je na sebe preuzeo tu aktivnost. Grad Sarajevo će pratiti razvoj situacije, a ukoliko Kanton Sarajevo ne bude formirao Ured za dijasporu, Grad Sarajevo će formirati isti.

Akademija za diplomatiju je u fazi formiranja radne grupe koju će činiti Univerzitet u Sarajevu, Ministarstvo obrazovanja Kantona Sarajevo, Kanton Sarajevo i Grad Sarajevo. Nakon toga će radna grupa donijeti plan formiranja, rada i razvoja iste.

- 2. Na 12. sjednici Gradskog vijeća Grada Sarajeva, održanoj dana 23.02.2022. godine, zamjenica predsjedavajućeg Gradskog vijeća Mirele Džehverović uputila je inicijativa broj: 01-GV-02-340-3/22 da se izvrši postupak provjere izdanih javnih isprava – diploma svih uposlenih u administraciji Grada Sarajeva i Pravobranilaštvu Grada Sarajevo, javnim preduzećima JP „Sarajevo“ d.o.o., JP „Olimpijski bazen Otoka“ d.o.o. Sarajevo, te u Javnoj ustanovi „Gradski muzeji“ Sarajevo.**

Odgovor:

Slijedom naprijed navedenog, putem Gradske službe za opću upravu i zajedničke poslove, kontinuirano su vršene aktivnosti u cilju prikupljanja traženih podataka svih uposlenih u administraciji Grada Sarajeva od strane osnovnih, srednjih i visokoškolskih obrazovnih ustanova.

Temeljem prikupljenih podataka o izvršenim provjerama od strane osnovnih, srednjih i visokoškolskih obrazovnih ustanova, u skladu sa provjerama kroz matičnu evidenciju o izdanim javnim ispravama – diplomama, kao i provjere vjerodostojnosti izdanih diploma/svjedodžbi za uposlenike u administraciji Grada Sarajeva i Pravobranilaštvu Grada Sarajeva, utvrđeno je da svi uposlenici posjeduju vjerodostojne javne isprave, stečene u skladu sa Zakonom o osnovnom, srednjem i visokom obrazovanju.

Istovremeno sa aktivnostima koje su vršene za uposlenike Gradske uprave, od javnih preduzeća JP „Sarajevo“ d.o.o., JP „Olimpijski bazen Otoka“ d.o.o. i Javne ustanove „Gradski muzeji“ Sarajevo zatraženo je da, u skladu sa podnesenom inicijativom, izvrše provjere vjerodostojnosti diploma uposlenika.

U skladu sa dostavljenim, izvršenim provjerama od strane nadležnih institucija, utvrđeno je da su diplome uposlenika javnih preduzeća JP „Sarajevo“ d.o.o., JP „Olimpijski bazen Otoka“ d.o.o. Sarajevo i Javne ustanove „Gradski muzeji“ Sarajevo stečene u skladu sa Zakonom o srednjem i visokom obrazovanju.

3. Na 16. sjednici Gradskog vijeća Grada Sarajeva, održanoj dana 01.06.2022. godine, gradska vijećnica Danijela Šahat uputila je vijećničku inicijativu sljedećeg sadržaja:

„Zadužuje se gradonačelnica da, u vezi navoda budžetskog inspektorata iz Izvještaja, zatraži informaciju od Upravnog inspektorata Kantona Sarajevo o statusu ispitivanja zakonitosti upošljavanja savjetnika gradonačelnika, te njihovo preuzimanje iz Općine Trnovo u Gradu Sarajevo i o tome obavijesti Gradsko vijeće.“

Odgovor:

Navedena inicijativa proslijeđena je Upravnom inspektoratu Ministarstva pravde i uprave Kantona Sarajevo.

Tražene informacije odnosno odgovor dostavljamo u prilogu ovog akta.

4. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je inicijativu sljedećeg sadržaja:

„Predlažem da Grad Sarajevo uputi inicijativu Ministarstvu pravde Kantona Sarajevo da se unutar Općinskog suda u Sarajevu omogući kupovina sudskih taksi kako obaveznici plaćanja iste ne bi morali gubiti vrijeme i izlaziti van zgrade suda do trafike koja su prilično udaljene kako bi kupili taksu. Ovim bi se u mnogome ubrzalo i olakšalo strankama. Podsjećanja radi, napominjem da je ranije u prizemlju Općinskog suda u Sarajevu ovo bilo moguće dok se nije ukinuo šalter na kojima je bilo moguće kupiti taksu. Ovaj problem je naročito izražen u slučaju kada stranke podnose zahtjev za izvode sudskog registra, historijske registre, historijske izvode i slično, gdje se nakon čekanja u redu da se podnese zahtjev, stranka upućuje van suda da bih onda opet morala stati u red da preuzme traženi izvod.“

Odgovor:

Navedena inicijativa proslijeđena je Ministarstvu pravde i uprave Kantona Sarajevo dana 24.10.2022. godine.

Ministarstvu pravde i uprave Kantona Sarajevo je dana 23.01.2023. dostavilo odgovor na navedenu inicijativu koji dostavljamo u prilogu.

5. Na 19. sjednici Gradskog vijeća Grada Sarajeva, održanoj 05.10.2021. godine, gradski vijećnik Jasmin Skorupan uputio je inicijativu sljedećeg sadržaja:

„Molim službe GV da upute inicijativu prema Ministarstvu saobraćaja KS i Turističkoj zajednici KS da obezbijede adekvatan parking za turističke autobuse na više lokacija.”

Odgovor:

Ministarstvo saobraćaja Kantona Sarajevo i Turistička zajednica Kantona Sarajevo dostavili su odgovore na navedenu inicijativu koji se dostavljaju u prilogu.

6. Na 19. sjednici Gradskog vijeća Grada Sarajeva, održanoj 05.10.2022. godine, gradski vijećnik Jasmin Skorupan uputio je vijećničko pitanje sljedećeg sadržaja:

„Potrebno je da Grad Sarajevo razmotri mogućnost da se u saradnji sa KS izradi jedinstveni broj ili internet stranica na koji građani Grada Sarajeva mogu prijaviti kvarove kao što su:

- Komunalne nepravilnosti
- Kvar javne rasvjete
- Kvar semafora
- Opasnost od obrušavanja snijega i leda sa zgrada i kuća
- Curenje vode na česmama itd.

Odgovor:

Dopisom broj 09-14-04-7089/22 od 09.11.2022. godine, Grad Sarajevo, Služba za urbano planiranje, investicije, stambene i komunalne poslove, uputila je predmetnu Inicijativu Vladi Kantona Sarajevo. S tim u vezi, obavještavamo Vas da smo dana 07.12.2022. godine, dopis broj: 18-45-46406/22, dobili sljedeću informaciju iz Službe za protokol i press Kantona Sarajevo:

„Kao odgovor na inicijativu vijećnika Jasmina Skorupana, odnosno dopis broj: 09-14-04-7089/22 od 09.11.2022. godine, obavještavamo Vas da je u testnoj fazi aplikacija Patrola.ba za mobilne telefone kojom će svi građani moći prijaviti više vrsta neusklađenosti koje se odnose na komunalne usluge (divlje deponije, nepokošena trava, oborena stabla, oštećenja na cesti, neispravna javna rasvjeta i semafori i dr.). Ovim će se unaprijediti postojeći način rada prijavljivanja direktno na telefone i e-mail adrese komunalnih preduzeća.

Uporedo s tim, u skupštinskoj proceduri je Zakon o komunalnoj policiji Kantona Sarajevo koji se treba usvojiti do kraja godine. Komunalna policija će primati prijave građana putem navedene mobilne aplikacije i sa jedne strane biti u direktnom kontaktu sa komunalnim preduzećima koja će rješavati prijavljene neusklađenosti, dok će s druge strane djelovati represivno prema pravnim i fizičkim licima koji svojim neodgovornim ponašanjem ugrožavaju komunalnu čistoću.

Uvjereni smo da će se usvajanjem navedenog zakona, odnosno formiranjem komunalne policije, povećati efikasnost komunalnih preduzeća, ali i disciplinirati građani i firme, što će u konačnici rezultirati značajnim unapređenjem kvaliteta života svih građana i posjetioca Sarajeva.“

- 7. Na 19. sjednici Gradskog vijeća Grada Sarajeva, održanoj dana 05.10.2022. godine, gradski vijećnik Jasmin Skorupan uputio je inicijativu sljedećeg sadržaja:**

„Podnosim inicijativu da se razmotri mogućnost da Grad Sarajevo zajedno sa Ministarstvom saobraćaja Kantona Sarajevo obilježi Autobusno stajalište Sarajevo – Pale sa znakom za turističke autobuse, kao i sa znakom – dozvoljeno zaustavljanje turističkih autobusa.“

Odgovor:

Navedena inicijativa proslijeđena je Ministarstvu saobraćaja Kantona Sarajevo, dana 11.11.2022. godine.

U prilogu dostavljamo odgovor Ministarstva saobraćaja Kantona Sarajevo, broj: 14-04-8187/22 od 07.12.2022. godine.

- 8. Odbor za javne službe, infrastrukturu i javni saobraćaj Gradskog vijeća Grada Sarajeva, na 19. sjednici održanoj dana 07.11.2022. godine, uputio je inicijativu sljedećeg sadržaja:**

„Odbor za javne službe, infrastrukturu i javni saobraćaj upućuje inicijativu gradonačelnici da poduzme sve potrebno da se redovno održavanje vodotoka iz nadležnosti Grada Sarajeva organizira u vidu javne službe Grada Sarajeva koja će kontinuirano raditi na redovnom održavanju vodotoka.“

Odgovor:

Grad Sarajevo će Vašu inicijativu proslijediti Ministarstvu privrede Kantona Sarajevo kao nadležnom ministarstvu za ovu oblast.

- 9. Na 19. sjednici Gradskog vijeća Grada Sarajeva, održanoj 05.10.2022. godine, zamjenik predsjedavajućeg Gradskog vijeća Grada Sarajeva Dragan Stevanović uputio je inicijativu kojom traži da Grad Sarajevo, u saradnji s Turističkom zajednicom Kantona Sarajevo, inicira postavljanje panoa kojima će se upućivati građani i turisti ka nacionalnim spomenicima Bosne i Hercegovine iz osmanskog, austrougarskog i perioda moderne.**

Odgovor:

Navedena inicijativa proslijeđena je Turističkoj zajednici Kantona Sarajevo.

U prilogu dostavljamo odgovor Turističke zajednice Kantona Sarajevo, broj: 1308-1/22 od 17.11.2022. godine.

- 10. Na 19. sjednici Gradskog vijeća Grada Sarajeva, održanoj 05.10.2022. godine, zamjenik predsjedavajućeg Gradskog vijeća Grada Sarajeva Dragan Stevanović uputio je inicijativu kojom traži da Grad Sarajevo, u saradnji s Turističkom zajednicom Kantona Sarajevo inicira bolju prezentaciju historijskih znamenitosti Sarajevo, posebno lokaliteta i artefakata butmirske kulture i onih iz rimskog perioda, obzirom na činjenicu da Sarajevo nije prepoznatljivo kao lokalitet s kontinuitetom organiziranih ljudskih zajednica od više hiljada godina.**

Odgovor:

Navedena inicijativa proslijeđena je Turističkoj zajednici Kantona Sarajevo.

U prilogu dostavljamo odgovor Turističke zajednice Kantona Sarajevo, broj: 1308-1/22 od 17.11.2022. godine.

11. Na 19. sjednici Gradskog vijeća Grada Sarajeva, održanoj dana 05.10.2022. godine, Odbor za lokalni biznis i turizam uputio je inicijativu sljedećeg sadržaja:

„Potrebno je da gradonačelnica poduzme potrebne aktivnosti da bi Gradskom vijeću u predloženom roku (april 2023. godine) mogla podnijeti Informaciju o realizaciji aktivnosti gradonačelnice na realizaciji saradnje turističkih zajednica na području grada Sarajeva sa turističkim zajednicama gradova u BiH i u državama u okruženju s kojima Grad Sarajevo ima sporazum o saradnji koju ovo radno tijelo predlaže kao temu za Program rada Gradskog vijeća Grada Sarajeva za 2023. godinu, a u vezi sa protokolom o saradnji Grada Sarajeva i Turističke zajednice Kantona Sarajevo i sporazumima o saradnji koje Grad Sarajevo ima sa gradovima u okruženju BiH, odnosno u Bosni i Hercegovini, s ciljem povećanja turističkih posjeta gradu Sarajevu”.

Odgovor:

Turističke zajednice grada ne postoje. Zakonom o turističkim zajednicama i promociji turizma u Federaciji Bosne i Hercegovine nije predviđeno osnivanje Turističke zajednice grada. Turistička zajednica Kantona Sarajevo (TZ KS) osnovana je radi razvoja, unaprjeđenja i promocije turizma na području Kantona Sarajevo, što obuhvata i područje grada Sarajeva. Uvažavajući nadležnosti TZ KS, moguća je funkcionalna saradnja TZ KS s drugim turističkim zajednicama.

12. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Elvedin Korora uputio je vijećničko pitanje sljedećeg sadržaja:

„Na osnovu člana 19. Poslovnika Gradskog vijeća Grada Sarajeva, podnosim vijećničko pitanje da se dostavi informacija o utrošku sredstava za vjerske zajednice za 2022. godinu.“

Odgovor:

Gradsko vijeće Grada Sarajeva, na svojoj 20. sjednici održanoj dana 26.10.2022. godine, primilo je k znanju Informaciju o saradnji i odnosima organa Grada Sarajeva sa vjerskim zajednicama i crkvama, u kojoj su, između ostalog, sadržani podaci o raspodjeli i namjeni sredstava Budžeta Grada Sarajeva za 2022. godinu sa pozicije 614300: Tekući transferi neprofitnim organizacijama: Sredstva za vjerske zajednice i crkve, u iznosu od 100.000,00 KM.

Imajući u vidu da je Gradsko vijeće Grada Sarajeva podržalo inicijativu, Komisija za odnose s vjerskim zajednicama i crkvama – da se u Budžetu Grada Sarajeva za 2023. godinu planiraju sredstva u visini od 5.000,00 KM za podršku radu Međureligijskog vijeća BiH, te da je navedena inicijativa postala inicijativom Gradskog vijeća (broj: 14-04-8274/22), nadležna Služba finansija, u skladu sa svojim djelokrugom, treba da realizuje navedenu inicijativu i uvrsti korisnika i iznos u Budžet Grada Sarajeva za 2023. godinu.

13. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Elvedin Korora uputio je vijećničko pitanje sljedećeg sadržaja:

„Na osnovu člana 19. Poslovnika Gradskog vijeća Grada Sarajeva, podnosim vijećničko pitanje da mi se dostavi informacija o projektu rekonstrukcije, restauracije i kolorističke obnove fasada na području grada Sarajeva za 2022. godinu.”

Odgovor:

Cijeneći Vaše pitanje, u nastavku Vas obavještavamo o poduzetim aktivnostima u okviru Projekta rekonstrukcije, restauracije i kolorističke obnove fasada u gradu Sarajevu u 2022. godini.

Gradska Služba za urbano planiranje, investicijske, stambene i komunalne poslove je u toku 2022. godine pripremila projektnu dokumentaciju za obnovu fasada kulturno-historijskih objekata na sljedećim adresama:

- ul. Maršala Tita br. 29,
- ul. Maršala Tita br. 27,
- ugao ulica Maršala Tita 33 i Kaptol 1,
- ul. Maršala Tita br. 21,
- ul. Maršala Tita br. 19,
- ugao ulica Maršala Tita 17 i Prušćakovu 2-4 i
- ul. Hamdije Kreševljakovića br. 55, JU Srednja škola poljoprivrede, prehrane, veterine i uslužnih djelatnosti Sarajevo.

Za prva tri iznad navedena objekta pribavljene su sve potrebne saglasnosti. U toku je izvođenje radova na fasadi objekta u ul. Maršala Tita br. 29, dok je za objekte u ul. Maršala Tita na broju 27 i 33 te Kaptol br. 1, raspisan Javni poziv za odabir izvođača radova. Izvođenje radova na ovim objektima očekuje se u građevinskoj sezoni 2023. godine.

U toku je pribavljanje nedostajućih saglasnosti za preostale iznad pobrojane objekte, nakon čega će se poduzeti koraci ka realizaciji sanacije ovih fasada.

Realizacija sanacije i restauracije fasade nekadašnje „Prve ženske gimnazije u Sarajevu“, današnje JU Srednja škola poljoprivrede, prehrane, veterine i uslužnih djelatnosti Sarajevo, planirana je u 2023. godini ukoliko se osiguraju neophodna dodatna finansijska sredstva.

Kada je u pitanju sanacija fasade još jednog nacionalnog spomenika BiH – „Gospođicina kuća“, planiran je nastavak aktivnosti u skladu sa Mišljenjem Komisije za očuvanje nacionalnih spomenika.

Važno je naglasiti da se na sve navedene objekte primjenjuju Odluke Komisije za očuvanje nacionalnih spomenika te su time ponekad i složeniji postupci za pribavljanje određenih saglasnosti. Grad Sarajevo, iako ne raspolaže velikim budžetom, nastoji da obnovi fasade na što većem broju kulturno-historijskih objekata i time nastavlja dosadašnju praksu sanacije fasada koje predstavljaju kulturno-historijsko naslijeđe našeg grada.

14. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vjećnik Elvedin Korora uputio je vjećničko pitanje sljedećeg sadržaja:

„Na osnovu člana 19. Poslovnika Gradskog vijeća Grada Sarajeva, podnosim vjećničko pitanje da se dostavi informacija o finansiranju svih sportskih manifestacija od interesa za Grad Sarajevo.“

Odgovor:

Programom rada GV planirano je da se u martu mjesecu 2023. godine podnosi Izvještaj o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2022. godini.

Pravni osnov je Odluka o utvrđivanju i načinu sufinansiranja sportskih manifestacija od posebnog interesa za Grad Sarajevo („Službene novine Kantona Sarajevo“, broj 10/19), donesena od strane Gradskog vijeća Grada Sarajeva.

15. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Elvedin Korora uputio je vijećničko pitanje sljedećeg sadržaja:

„Na osnovu člana 19. Poslovnika o radu Gradskog vijeća Grada Sarajeva podnosim vijećničko pitanje da mi se dostavi informacija koliki je procenat realizovanih vijećničkih inicijativa u 2022. godini.”

Odgovor:

S tim u vezi, obavještavamo Vas o sljedećem:

- Programom rada Gradskog vijeća Grada Sarajeva za 2022. godinu, broj: 01-GV-02-1776/21 od 29.12.2021. godine, za mjesec juli planirano je razmatranje Informacije o realizaciji vijećničkih pitanja i inicijativa za tekuću godinu. Navedena informacija sadrži pregled odgovora na vijećnička pitanja i realizaciju inicijativa.
- Stručna služba za poslove kabineta i poslove Gradske uprave sačinila je Informaciju o realizaciji vijećničkih pitanja i inicijativa za tekuću godinu koja sadrži pregled odgovora na vijećnička pitanja i realizaciju inicijativa, a ista je primljena k znanju na 18. sjednici Gradskog vijeća Grada Sarajeva, održanoj dana 26.07.2022. godine.
- Kako je predmetna informacije u 2022. godini obuhvatala samo period od šest mjeseci, Programom rada Gradskog vijeća Grada Sarajeva za 2023. godinu, planirano je da se navedena informacija realizuje dva puta u toku godine, i to u mjesecu januaru i julu, a u cilju što kvalitetnijeg informiranja Gradskog vijeća Grada Sarajeva o realizaciji vijećničkih pitanja i inicijativa.
- Obzirom na navedeno, Stručna služba za poslove kabineta i poslove Gradske uprave pripremit će Informaciju o realizaciji vijećničkih pitanja i inicijativa kako je to planirano Programom rada Gradskog vijeća Grada Sarajeva za 2023. godinu.

16. Na 21. sjednici Gradskog vijeća Grada Sarajeva, održanoj dana 30.11.2022. godine, gradska vijećnica Enisa Spahić uputila je vijećničko pitanje sljedećeg sadržaja:

„Shodno odredbama člana 26. stav 1. točka 2. Statuta Grada Sarajeva („Službene novine Kantona Sarajevo“, broj 34/08) i članom 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), upućujem inicijativu za povećanje zaštite i sigurnosti u saobraćaju. Svjedoci smo sve većeg broja saobraćajnih nesreća u gradu u kojima stradaju pješaci, među kojima je sve veći broj djece. Kako bi povećali saobraćajnu sigurnost naših sugrađana, posebno onih najmlađih na najugroženijim pješačkim prijelazima, s posebnim naglaskom na pješačke prijelaze u blizini osnovnih škola, predškolskih ustanova i na najprometnijim pravcima kroz grad, molim da nadležne stručne službe razmotre mogućnost primjene savremenih, tehničkih metoda preventivnog djelovanja postavljanja kamera za nadzor brzine, postavljanjem LED markera na pješački prijelaz i pametnih pješačkih prijelaza – senzori pokreta detektuju pješaka, potom se na pješačkom prijelazu počinju neizmjenično paliti ugrađene LED diode alarmirajući vozače da uspore i da budu oprezniji kako bi zaštitili sve učesnike u saobraćaju...”

Odgovor:

Vaša inicijativa će biti prosljeđena Ministarstvu saobraćaja Kantona Sarajevo na daljnje postupanje, s obzirom da regulacija saobraćaja nije u nadležnosti Grada Sarajeva.

17. Na 21. sjednici Gradskog vijeća Grada Sarajeva, održanoj dana 30.11.2022. godine, predsjedavajući Gradskog vijeća Jasmin Ademović uputio je inicijativu sljedećeg sadržaja:

„Potrebno je da gradonačelnica informiše Gradsko vijeće o svim preprekama s kojima se susreće pri realizaciji gradskih projekata od strane nadležnih organa gradskih općina, Kantona Sarajvo, Federacije Bosne i Hercegovine i Bosne i Hercegovine, te eventualn drugih subjekata“.

Odgovor:

Grad Sarajevo kao jedinica lokalne samouprave u svom radu, pogotovo u poslovima vezanim da djelokrug rada Službe za urbano planiranje, investicijske, stambene i komunalne poslove, usko saraduje i ovisi o drugim nivoima vlasti. Pored problema usporenosti rada administracija drugih nivoa vlasti u rješavanju naših zahtjeva, problema rješavanja imovinsko-pravnih odnosa, dobivanja potrebnih saglasnosti imaoca komunalne infrastrukture, kao jedan od najvećih problema možemo istaći rad sa Komisijom za očuvanje nacionalnih spomenika BiH, a obzirom na Odluku o proglašenju nacionalnog spomenika „Historijski urbani krajolik Sarajevo“ (Odluka o proglašenju historijskog urbanog krajolika Sarajeva nacionalnim spomenikom BiH – Službeni glasnik BiH, br. 1/21 i 10/21) koja ograničava kako radove na sanaciji, tako i na rekonstrukciji, investicionom održavanju i sličnim projektima.

Kao primjer ističemo: Radove na sanaciji i čišćenju Ramića potoka, Radovi na tekućem održavanju spomenika Vječna vatra, lokacija za postavljanje spomenika bosanskom Kralju Tvrtku I Kotromaniću.

18. Na 21. sjednici Gradskog vijeća Grada Sarajeva, održanoj dana 30.11.2022. godine, predsjedavajući Gradskog vijeća Grada Sarajeva Jasmin Ademović uputio je vijećničko pitanje sljedećeg sadržaja:

„Šta se dešava sa kasarnom Jajce? Da li imamo neke naznake šta će se dešavati u budućnosti, s obzirom da Grad Sarajevo, to jeste Javno preduzeće „Sarajevo“ d.o.o. upravlja ovim kompleksom, a objekat je u sve lošijem stanju?“

Odgovor:

Odlukom Vlade Federacije, od 25.04.2019. godine, Gradu Sarajevu je data na privremeno korištenje kasarna Jajce na period od 49 godina („Službene novine Federacije BiH“, broj 29/19). Odlukom o proglašenju Graditeljske cjeline – Jajce Kasarna nacionalnim spomenikom BiH („Službene novine Federacije BiH“, br. 94/09, 48/13,1/21,7/21), propisano je da se graditeljska cjelina može koristiti u ugostiteljske, obrazovne i kulturne svrhe, odnosno na način koji neće ugroziti integritet cjeline i njegovo značenje u strukturi grada, a njeni prostori bit će otvoreni i dostupni javnosti.

Grad Sarajevo je u proteklom periodu poduzeo niz aktivnosti u cilju zaštite ovog nacionalnog spomenika BiH. Izvršeno je čišćenje kompleksa kasarne te je uklonjena velika količina smeća, samoniklo rastinje i stabla unutar kompleksa. Urađena su geodetska snimanja, inženjersko-geološki istražni radovi te arhitektonska snimanja postojećeg stanja kompleksa. Urađena je i Studija – Konstruktivno stanje kompleksa svih objekata i bedema kasarne Jajce. S obzirom da je postojeći objekat u ruševnom stanju, Studijom je predviđeno da se zadržavaju samo vanjski fasadni zidovi objekata sa južne, istočne i zapadne strane. Nakon urađenih studija i elaborata, analizom stanja objekta, a uzimajući u obzir potrebne intervencije na konstruktivnim elementima, obnovu nije moguće izvršiti bez djelomičnog rušenja.

Na osnovu prethodno urađenih analiza koje obrađuju potencijalne mogućnosti kompleksa, građevinska investicija se procjenjuje na cca 48 miliona KM, a vrijednost investiciono-tehničke dokumentacije procjenjuje se na iznos cca 1,4 – 1,9 miliona KM.

Cijeneci naprijed navedeno te uzimajući u obzir potrebu ulaganja značajnih sredstava za konzervaciju ovog nacionalnog spomenika, složene procedure u pribavljanju potrebnih dozvola, Grad Sarajevo će u narednom periodu, u saradnji sa Pravobranilaštvom Grada Sarajevo, razmotriti aktivnosti u cilju preciznijeg definiranja i rješavanja statusa predmetnog objekta.

19. Na 21. sjednici Gradskog vijeća Grada Sarajeva, održanoj dana 30.11.2022. godine, zamjenica predsjedavajućeg Gradskog vijeća Mirela Džehverović uputila je inicijativu sljedećeg sadržaja:

„Potrebno je da Grad Sarajevo, u saradnji sa Općinom Novo Sarajevo, bude nosilac izgradnje tematskog dječjeg parka na području općine Novo Sarajevo.“

Odgovor:

Grad Sarajevo će organizovati sastanak sa nadležnom službom Općine Novo Sarajevo kako bi razmotrio ovu inicijativu, ispitaio postojanje adekvatne lokacije za tematski dječji park, procijenio potrebna finansijska sredstva, te utvrdio da li se inicijativa može realizovati u skladu sa budžetom Grada Sarajeva za 2023. godinu, kada isti bude usvojen.

20. Na 21. sjednici Gradskog vijeća Grada Sarajeva, održanoj dana 30.11.2022. godine, Odbor za društvene djelatnosti uputio je inicijativu sljedećeg sadržaja:

„Odbor za društvene djelatnosti upućuje inicijativu Gradskom vijeću Grada Sarajeva da Grad Sarajevo podrži već pokrenutu inicijativu „Niko gladan niko sam“ za ukidanje PDV-a na donaciju hrane, te uputi inicijativu nadležnim organima i za izostavljanje PDV-a iz važećih propisa za druge donacije koje su u funkciji zdravlja i drugih humanitarnih potreba.“

Odgovor:

U vezi inicijative Odbora društvene djelatnosti, a koja je prihvaćena od strane Gradskog vijeća, te time postala inicijativa Gradskog vijeća, da Grad Sarajevo podrži već pokrenutu inicijativu Niko gladan, niko sam, za ukidanje PDV-a na doniranu hranu, ovim putem Vas obavještavam da je o navedenom informirana Fondacija Mozaik koja vodi kampanju „Niko gladan, niko sam“, zajedno sa partnerima. Fondacija se zahvalila Gradu Sarajevu.

21. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Željko Majstorović uputio je inicijativu sljedećeg sadržaja:

„Subvencioniranje prelaska na plin motornih vozila u gradu.

Obrazloženje: S obzirom da su motorna vozila (s obzirom na njihov broj koji neprestano raste) glavni zagađivači zraka u gradu, prelaskom benzinskih vozila na plin, smanjili bi se problemi zagađivanja zraka.“

Odgovor:

Inicijativa vezana za subvenciju prelaska na plin motornih vozila u gradu, prosljeđena je Ministarstvu saobraćaja Kantona Sarajevo.

22. Na 21. sjednici Gradskog vijeća Grada Sarajeva, održanoj dana 30.11.2022. godine, gradski vijećnik Željko Majstorović uputio je vijećničke inicijative sljedećeg sadržaja:

- „Određivanje prioriteta za ostvarivanje osnovnih postavki Održivog razvoja na teritoriji Grada Sarajeva i šire, a na osnovu ciljeva predloženih u Nacionalnom planu prilagodbe klimatskim promjenama.
- **Obrazloženje:** 26.10.22. Vijeće ministara BiH je usvojilo Nacionalni plan prilagodbe na posljedice klimatskih promjena NAP. Time je ostvaren jedan od ciljeva predviđenih Pariškim sporazumom o klimatskim promjenama. Na osnovu njega biće olakšan pristup finansiranju projekata iz fondova Pariškog sporazuma i EU. S obzirom da se radi o veoma opsežnom dokumentu (preko 560 stranica), razumno bi bilo odrediti prioritete za projekte potrebne gradu.“

Odgovor:

U vezi inicijative gradskog vijećnika Željka Majstorovića za određivanje prioriteta za ostvarivanje osnovnih postavki održivog razvoja na teritoriji Grada Sarajeva i šire, na osnovu principa predloženih u Nacionalnom planu prilagodbe klimatskim promjenama, ovim putem Vas obavještavam da Gradska služba za održivi razvoj u planiranju svojih aktivnosti za 2023. godinu uzima u obzir sve relevantne dokumente, uključujući i gore spomenuti Nacionalni plan prilagodbe klimatskim promjenama. Kao i u prethodnom periodu, rad Gradske službe za održivi razvoj bit će fokusiran na maksimalno korištenje EU i drugih fondova, a sve sa ciljem pozitivnih promjena u našoj zajednici.

- „Subvencioniranje prelaska na plin motornih vozila u gradu.
Obrazloženje: S obzirom da su motorna vozila (s obzirom na njihov broj koji neprestano raste) glavni zagađivači zraka u gradu, prelaskom benzinskih vozila na plin smanjili bi se problemi zagađivanja zraka.“

Odgovor:

U vezi inicijative gradskog vijećnika Željka Majstorovića za subvencioniranje prelaska na plin motornih vozila u gradu sa ciljem smanjenja zagađenja zraka, smatramo da je inicijativa smisljena i poželjna, ali obzirom na simboličan Budžet Grada Sarajeva da se ne bi mogla adekvatno provesti, već je istu potrebno uputiti drugim nivoima vlasti. Svakako, ova inicijativa će biti uzeta u obzir kod apliciranja na relevantne fondove.

23. Na 21. sjednici Gradskog vijeća Grada Sarajeva, održanoj 30.11.2022. godine, gradski vijećnik Željko Majstorović uputio je inicijativu sljedećeg sadržaja:

„Određivanje prioriteta za ostvarivanje osnovnih postavki Održivog razvoja na teritoriji Grada Sarajeva i šire, a na osnovu ciljeva predloženih u Nacionalnom planu prilagodbe klimatskim promjenama.

Obrazloženje: 26.10.2022. Vijeće ministara BiH usvojilo je Nacionalni plan prilagodbe na posljedice klimatskih promjena NAP. Time je ostvaren jedan od ciljeva predviđenih Pariškim sporazumom o klimatskim promjenama. Na osnovu njega bit će olakšan pristup finansiranju projekata iz fondova Pariškog sporazuma i EU. S obzirom da se radi o veoma opsežnom dokumentu (preko 560 stranica), razumno bi bilo odrediti prioritete za projekte potrebne gradu.“

Odgovor:

Grad Sarajevo će razmotriti inicijativu vezanu za Plan prilagođavanja na klimatske promjene BiH (NAP), te obzirom da se radi o sveobuhvatnom dokumentu kojeg su sačinili prije svega domaći

stručnjaci u direktnoj koordinaciji sa nadležnim entitetskim i institucijama Brčko Distrikta BiH, isti analizirati i pokušati pomoći provedbi istog.

24. Na 21. sjednici Gradskog vijeća Grada Sarajeva, održanoj 30.11.2022. godine, gradski vijećnik Elvedin Korora uputio je inicijativu sljedećeg sadržaja:

„Poštovani, na osnovu člana 19. Poslovnika Gradskog vijeća Grada Sarajeva, podnosim inicijativu da se finansijski pomogne humanitarno Udruženje Pomozi.ba sa 20.000,00 KM za pomoć našim sugrađanima u liječenju.

Udruženje Pomozi.ba je neprofitna humanitarna organizacija koja svojim djelovanjem pomaže ugroženim ljudima na području cijele Bosne i Hercegovine, ali i šire. Pomoć u zadovoljavanju osnovnih ljudskih potreba timovi Pomozi.ba pružaju povratnicima, starim i iznemoglim licima, samohranim majkama, porodicama bez stalnih primanja, djeci bez roditelja, osobama sa invaliditetom, oboljelima, migrantima...

Za socijalno ugrožene kategorije društva prikupljaju i obezbjeđuju materijalnu pomoć, hranu, lijekove, higijenske proizvode, obuču, odjeću, namještaj, bijelu tehniku, kao i druge potrepštine, novčano pomažu u liječenju teško oboljelih osoba te pomažu i u stambenom zbrinjavanju ljudi u izuzetno teškom materijalnom stanju.”

Odgovor:

U Budžetu Grada Sarajeva za 2022. godinu nisu planirana sredstva za ovu namjenu.

25. Na 21. sjednici Gradskog vijeća Grada Sarajeva, održanoj 30.11.2022. godine, predsjedavajući Gradskog vijeća Grada Sarajeva uputio je inicijativu sljedećeg sadržaja:

„Potrebno je da Grad Sarajevo, u saradnji s gradskim općinama i Kantonom Sarajevo, osmisli projekt kojim bi se opremili i osposobili centri za zdravo starenje, uslugom dnevnog boravka za dementne sugrađane, odnosno formirali stacionari gdje bi mogli i boraviti nekoliko dana, a kojim bi se bitno pomoglo porodicama koje se brinu o svojim dementnima članovima.”

Odgovor:

U Nacrtu Budžeta Grada Sarajeva za 2023. godinu planirano je 40.000,00 KM centrima za zdravo starenje na području četiri gradske općine. Shodno navedenom, gradskim općinama će se sugerisati da razmotre mogućnost da dio sredstava bude realiziran u skladu s podnesenom inicijativom.

26. Na 21. sjednici Gradskog vijeća Grada Sarajeva, održanoj dana 30.11.2022. godine, gradska vijećnica Lajla Čosović uputila je inicijativu sljedećeg sadržaja:

„Potrebno je dopuniti Kalendar obilježavanja datuma i događaja značajnih za Grad Sarajevo tako da se u Poglavlju I, iza tačke 10b. doda nova tačka 10c. koja glasi 'Obilježavanje Dana maloljetnog borca', Dan obilježavanja: 15. novembar; Nosilac obilježavanja: Udruženje maloljetnih boraca Općine Centar; Način obilježavanja: Prema program nosioca obilježavanja.”

Gradsko vijeće je podržalo podnesenu inicijativu na svojoj 22. sjednici, održanoj dana 28.12.2022. godine, te je ona postala inicijativom Gradskog vijeća.

Odgovor:

Navedena inicijativa bit će realizovana na 24. sjednici Gradskog vijeća Grada Sarajeva, predlaganjem Odluke o dopuni Odluke o obilježavanju datuma, događaja i ličnosti od značaja za Grad Sarajevo.

III ZAKLJUČAK

Na pitanja koju su upućena na sjednicama Gradskog vijeća Grada Sarajeva, a na koje odgovore daju nadležne gradske službe, blagovremeno su dostavljani odgovori, dok na dinamiku dostavljanja odgovora na pitanja na koje odgovore trebaju dati vanjski subjekti, nadležne gradske službe ne mogu uticati.

Potrebno je istaći da se pitanja iz određene oblasti interesovanja ponavljaju, a razlozi su opravdani ukoliko na iste ne pristignu odgovori, a što se posebno odnosi na slučajeve kada su pitanja i inicijative upućene prema drugom subjektu, odnosno na tzv. „vanjske“ adrese, tako da se u konačnici, a uzevši u obzir prethodno postupanje u odnosu na predmet ove informacije, može smatrati i više nego zadovoljavajuće.

Obzirom na navedeno, može se konstatovati da je proces izvršenja u većoj mjeri zastupljen pozitivno. Postavljena pitanja, upućene inicijative i dostavljeni odgovori dokazuju aktivnost i efikasnost u radu svih nadležnih organa Grada Sarajeva, a što podrazumijeva aktivnosti gradskih vijećnika Gradskog vijeća Grada Sarajeva i u vezi sa navedenim postupanje gradonačelnice Grada Sarajeva da putem gradskih službi za upravu i stručnih službi na postavljena pitanja i iznesene inicijative pravovremeno i adekvatno reaguje dostavljanjem odgovora Gradskom vijeću Grada Sarajeva, odnosno postupanjem po iznesenim inicijativama gradskih vijećnika, odnosno Gradskog vijeća Grada Sarajeva.